

ՀՏ 329.73 (479.25)**Պատմություն**

**Ս. ՍԱՊԱՀ-ԳՅՈՒՅՅԱՆԻ ՄԱՄԱՎՈՒԹՅՈՒՆԸ ՀԱՅԿԱԿԱՆ ԼԵԳԵՇՆԻ
ԿԱԶՄԱՎՈՐՄԱՆ ԳՈՐԾՎՄԹԱՑԻՆ**

Ս. Պողոսյան

Առաջին աշխարհամարտի տարիներին հայ ժողովուրդը հանդես է եկել որպես պատերազմող կողմ: Բացի Անտանտի երկրների բանակներ գորակոչված հարյուրհազարավոր հայերից, կազմավորվեցին նաև ազգային կամավորական զորամասնը: Կովկասում կամավորական զնդեռը մարտնչեցին ուսական բանակի կողքին, իսկ հոկտեմբերյան հեղափոխությունից հետո, երբ ուսական զորքերը հեռացան տարածաշրջանից, հայկական ուժերը 1918 թ. հունվարից մինչև սեպտեմբեր միայնակ պայքարեցին թուրքական բանակի դեմ: 1916 թ. վերջին Ֆրանսիայի նախաձեռնությամբ կիրառում կազմավորվեց Հայկական լեգենը, որի խնդիրն էր ազատագրել կիլիկիան: Այն ֆրանս-բրիտանական զորքերի հետ մասնակցեց Պահճատինի, Լիքանանի, Սիրիայի ազատագրմանը: Լեգենի պաշտպանության տակ կիլիկիա վերադարձան Մեծ եղենից փրկված մոտ 150.000 հայեր:

Հայկական լեգենը կազմավորելու գործում նշանակալի դեռ ունեցավ Ստեփան Սապահ-Գյույյանը (Ստեփանոս Տեր-Դանիելյան, 1861-1928 թթ.): Նա Ս. Դ. Հնչակյան կուսակցության ամենանշանավոր գործիչներից էր՝ տեսաբան, խմբագիր, կազմակերպական մեծ ունակություններով օժտված անձ: Հրատարակել է մի շարք աշխատություններ, խմբագրել «Հնչակ», «Երիտասարդ Հայաստան» և այլ թերթեր: Նա խոշոր դերակատարություն է ունեցել Եզիդության ու ԱՄՆ-ի հայկական համայնքների հասարակական-քաղաքական, կրոնական կառույցների միջև համագործակցություն հաստատելու և կամավորագրությունը կազմակերպելու գործում:

Ուսումնասիրության մեջ փորձել ենք վերլուծել ու լուսաբանել Առաջին աշխարհամարտի տարիներին այդ գործի տեսակետները մեր ժողովրդի փրկության, կամավորական շարժման, Հայաստանի ապագայի մասին, ներկայացրել ենք այդ նպատակներին հասնելու ճանապարհին նրա գործադրած ջանքերը, հատկապես՝ Հայկական լեգենը կազմավորելու գործում նրա ներդրմանը:

Ս. Սապահ-Գյույյանը Առաջին համաշխարհային պատերազմի սկզբից բարձրացրեց գլխավոր նպատակների՝ հայության փրկության և Հայաստանի ապագայի համար բոլոր ուժերը համախմբելու, համերաշխ գործելու անհրաժեշտությունը: Նա պատերազմի առաջին տարիներին իրատարակեց մի բանի աշխատություններ, ուր բարձրացնում էր հայկական բոլոր հոսանքների ու կուսակցությունների սերտ համագործակցության գաղափարը և ակտիվություն մասնակցեց այդ նպատակին ուղղված բոլոր ջանքերին:

Հնչակյանները հայ քաղաքական ուժերից առաջինն էին, որ բարձրացրին Հայաստանի միավորման ու անկախության անհրաժեշտությունը: Առաջին աշխարհամարտի հենց սկզբից նրանք կրկին

բարձրացրին այդ զաղափարը, որի իրագործման համար անհրաժեշտ էին համարում, որ հայերը հանդիս զան որպես պատճեռազմող կողմ: U. Սապահ-Գյուլյանը, որպես ՄԴՀԿ զիսավոր տեսաբան, 1915 թ. կահիրենում հրատարակեց «Ինքնավար Հայաստան» աշխատությունը, որը զարգացնում էր այդ զաղափարները, ինչպես նաև ստեղծված պայմաններում հայկական բոլոր ուժերի համագործակցության անհրաժեշտությունը: «Արդէն նդած, գոյութիւն ունեցած Հաստատութիւնները, կապերը պետք է ամրապնդեն, չեղածները ստեղծել, պակասը լրացնել, որպէս զի Հայ Ազգը խօսի, ցանկանայ, զործէ որպէս մի ամբողջութիւն: Բոլոր Հայերը, առանց կրօնքի և դաւանանքի խսրութեան, գտնում են միատեսակ պարտականութեան, միանման հզոր իրաւունքի առաջ: Պատմութիւնը նրանց ամէնքին էլ բնըն, սնդմնլ է մի ընդհանուր հարցի առաջ: Հրապարակ դրուած խնդիրը ամբողջութեան է պատկանում և ոչ թէ մէկ մասին. նա բոլորի սեպիականութիւնն է, առանց աշխարհագրական լայնութեան և դասակարգային տարրերութեան: Դա Հայ Ազգային գոյութեան, ոչ-գոյութեան խնդիրը, Հայի ապագայի հարցն է»¹, գրում էր նա:

Նա որպես օրինակ էր բերում նվիրութեան ազգերին, որոնք պատճեռազմի ժամանակ համախմբվել էին և անհրաժեշտ էր համարում, որ հայերը նոյնպես հետևեն նրանց օրինակին: «Պահպանողական, յառաջադիմական, արմատական, աշխատաւորական, սօցիալիստ, բուրժուա, պրոլետար, կոնյրական, ազնուական, ևն, ևն, - դրանք բոլորը՝ իրենց զատ խմբաւորումներով, իրենց առանձնայատուկ դասակարգերով, միենոյն ընկերութեան ծոցի մէջ ապրելով, այսօր՝ ամէնքն էլ՝ Պատմութեան հարկադրանքից մղուած, կանգնած են մարտական մի զծի վրայ. որովհենու իրենց «ազգային գոյութեան իրաւունքը, իրենց ազգի ապագան վերահս վտանգի տակ են տեսնում»: «Ետենաբար՝ իրաքանչիր դասակարգ իր բաժին բազուկը, ոյժը, աշխատանքը, կենանքն է բերում այն Գործի համար, որ «ընդհանրական» է»²:

U. Սապահ-Գյուլյանը կոչ էր անում, որ հայ հասարակությունը նոյնպես համախմբվի. «Ձեզոք, պահպանողական, անտարբեր, ոչ-կուսակցական, արտակուսակցական՝ դրանք բոլորը իրական պարտականութիւն պիտի ստանձնեն՝ կուսակցականի հետ համահաւասար: Բոլորն էլ համագործակցական կապերով իրարու մօտ պիտի զան և պայքարի զծի վրան կանգնեն, իրենց նիւթական, բարոյական բաժինը, իրենց կենանքը բերելով: - Ամէնքը մէկի համար, մէկը՝ ամէնքի: - Ժամանակը այդ է պահանջում: Հայ ազգային գոյութիւնը վտանգի տակ է. նրա ապագան խնդրոյ առարկայ է. ներկան է, որ ապագայի հիմունքները պիտի դնէ: Էլ ի՞նչ աւելի՛ մեծ, աւելի՛ բարձր, աւելի՛ հրամայական, ստիպողական ծայն կայ բոլոր հայ շրջաններին, դասակարգերին իրարու հետ կապելու և նրանցից մի ամբողջութիւն, մի միութիւն կազմելու, քան հայ ազգային գոյութիւնը փրկելու, նրա ապագան

¹ Սապահ-Գյուլյան U., Ինքնավար Հայաստան, Գահիրէ, 1915, Տպ. Զ. Ալբակերէան, էջ 89:

² Նոյն տեղում, էջ 90:

ապահովելու խնդիրը: «ԱՄԱԳՈՐԾԱԿՑՈՒԹԻՒՆ՝ - ահա՛ բռպէի պահանջը»¹:

Նա միայն գաղափարներ առաջարկող չէր, նրա անմիջական ջանքերով Ս. Դ. Հնչակյան և Սահմանադիր Ռամակավար կուսակցությունների Եզիպոտոսի կառուցները որոշենցին համատեղ գործել: 1915 թ. մայիսի 20-ին Ալեքսանդրիայում նրանք ստորագրենցին համատեղ և միասնական նպատակի համար գործելու համաձայնագիր: Լատ դրա՝

«1) Համաձայնող երկու կողմերու մօտաւոր նպատակն է ինքնավար Հայաստան նı կիլիկիա: 2) Ինքնավար Հայաստան նı կիլիկիա պիտի դրուին Երրեսակ Համաձայնութեան կամ ոուսական հովանաւորութեան (protectorat) ներքեւ՝ նայելով քաղաքական յարաբերութիւններու դասաւորութեան: 3) Երկու կողմերը իրենք գիրենք բացարձակապէս հակառակ կը յայտարարեն ինքնավար Հայաստանի (կիլիկիայով միասին) զաղափարի իրականացման՝ թրքական զերիշխանութեան (souverainete) ներքեւ: Այդ տեսակէտով անոնք կը հանդիսանան անջատականներ (separatists): 4) Այն պարագային երբ վերոյիշեալ կուսակցութեանց անջատողական բացձանքները, հակառակ այդ սեւեռուն զաղափարով թափուած բոլոր ջանքերուն, համանորպական պատերազմէն յնտոյ չիրականանան, կուսակցութիւնք իրենց կը վերապահեն նոր պայմաններու համեմատ իրենց ուղղութիւնը գծել: 5) Եթէ պետութեանց փոխ-յարաբերութեանց պատճառով, ինքնավար Հայաստանը իրականանալու յաջողութեան պայմաններ ներկայացնէ՝ Ռուսաստանի հետ կցուելով - համաձայնող կողմերը այդ բանին պիտի չհակառակին: 6) Եթէ հնարաւորութիւն չինի Հայաստան նı կիլիկիա միատեղ ինքնավար դարձնել՝ որպէս ամբողջութիւն նı քաղաքական յարաբերութիւններու դասաւորութեան հիմունքով՝ հնար լինի միայն կիլիկիան ինքնավար դարձնել, համաձայնող կողմերը, այդ պարագային այդ տեսութիւնը պիտի պաշտպանեն նı անոր ուժ տան: 7) Ինքնավար Հայաստանի նı կիլիկիայի համար երկու կուսակցութիւնները կրնդունին հետեւնալ ընդհանուր ծրագիրը: Ինքնավար Հայաստան նı կիլիկիա պիտի ունենան քաղաքական ինքնավարութիւն՝ փարլամենտական ռեժիմով նı ռամկավարական հաստատութիւններով:

ՏԱԿՏԻԿԱ

1) Համաձայնող կողմերու ընդհանուր գործունեութեան տակտիկան պիտի լինի ՅԵՂԱՓՈԽԱԿԱՆ-ԱՊԱՏԱՄԲԱԿԱՆ նı ինչպէս նաև դիմանագիտական: 2) Երկու կուսակցութիւնները խորապէս համոզուած են որ Հայկական Դատին իր ընդարձակ առումով քայարար լուծմանը համար, նպատակայարմար նı անհրաժեշտ իսկ է ԵՐԿՈՒ ՃԱԿԱՏԻ ՎՐԱՅ կՌԻՒ ՄԴԵԼ, այսինք՝ ոչ միայն շեշտել ՏԱՃԿԱՀԱՅԱՍՏԱՆԻ ՍԱՀՄԱՆՆԵՐՈՒՆ ՄԵԶ ԱԿՍՈՒԱԾ ԿԱՄԱԿՈՐԱԿԱՆ ԾԱՐԺՈՒՄԻՆ ԱԶԳԱՅԻՆ ԱԶԱՏԱԳՐԱԿԱՆ ԲՆԱԿՈՐՈՒԹԻՒՆԸ նı ուժնդացնել ու ընդարձակել զայն, այլն կիլիկիոյ մէջ նու առաջ բնրեն նոր ձգտումով

¹ Սապահ-Գիլեան Ս., նշվ. աշխ., էջ 91:

ապստամբական շարժում: 3) Երկու կուսակցութենանց Եզիպտոսի շրջանակները իրենց աշխարհագրական դիրքին քննմամբ իրենց գործունեութեան առաջին և զլսաւոր թատերաբնմ կը դարձնեն կիլիկիան և ամէն ջանք պիտի թափեն իրենց արեւմտեան բոլոր շրջանակներն ալ (Պոլկարիա, Ռումինիա, Երոպա և Ամերիկա) համախմբել մասնաւորապէս և զլսաւորապէս իրենց կիլիկիան գործունեութեան մէջ: 4) Որպէս տակտիկայի գործունեութեան միջոց՝ անոնք պարտաւոր են միասնաբար գործադրել այն բոլոր, ինչ որ ներկայ և ապագայ պայմանները անհրաժեշտ կը դարձնեն իրենց մօտակայ նպատակին հասնելու համար»¹:

Ս.Դ.Հնչակեան կուսակցութեան Եզիպտոսի շրջանի պատասխանատու Մարմնի կողմից այդ փաստաթուղթը ստորագրել էր Ս. Սապահ Գյուլյանը: Ինչպես տեսնում ենք, նա կարողացավ համագործակցություն հաստատել երկու ավանդական կուսակցությունների միջև: 1915թ. աշնանը Եզիպտահայերից կամավորական ջոկատներ կազմելու նպատակով վերոնշյալ երկու կուսակցությունները կազմեցին «Զինվորական Վարիչ Մարմին», որի կազմում ընդգրկված էր նաև Ս. Սապահ-Գյուլյանը²: Ինչպես տեսնում ենք, նրա զաղափարներն ու առաջարկները հանգեցրին դրական արդյունքի և երկու հայ քաղաքական կառույցների միջև համատեղ գործելու առաջին քայլերը կատարվեցին: Սակայն Հ. Յ. Դաշնակցության հետ համագործակցությունը 1915 թ. իրականացնել չհաջողվեց:

1916 թ. սկզբին Ս. Սապահ-Գյուլյանը և մեկ այլ հնչակյան գործիչ՝ Ապահ Պետրոսյանը, Միջնրկրականի ֆրանսիական 3-րդ նավատորմի հրամանատար փոխծովակալ Մորոյին առաջարկեցին կազմավորել հայ կամավորական կորպուս: Նրանք նախ ներկայացնել էին բրիտանական հաստոկ ծառայություններին և հայտնել էին, որ հանդիս են զայիս Եզիպտոսի հայերի շահերի պաշտպանության կոմիտեի անոնից, իսկ Հայ ազգային պատվիրակության նախագահ Պողոս Նուբարը համամիտ է իրենց հետ: Նրանք առաջարկել էին հոգալ ծախսերի մի մասը, եթե ֆրանսիացիների կողմից մարզվող հայերից կազմավորվի կորպուս և օգտագործվի թուրքերի դեմ: Ապա փնտրվարի 2-ին այդ գործիչները փորձել էին Պորտ Սայիդում հանդիպել Մորոյի հետ: Վերջինիս հրամանով նրանց ընդունել էր 3-րդ նավատորմի շտաբի պետ, նավի կապիտան Շամնարը: Հնչակյանների առաջարկները Մորոյին թվացնել էին տարօրինակ, քանի որ ծանոթ էր այդ առջիկ Պ. Նուբարի տեսակենտներին: Վերջինս այդ ժամանակաշրջանում դեմ էր հայկական գորամասի ստեղծմանը, որպեսզի հայկական նոր ջարդեր չլինենի³: Նա իր տեսակենտն անձամբ էր հայտնել Մորոյին Փարիզում:

Մորոն հրահանգեց կապի սպա, բրիտանացի լեյտենանտ Վուլեյին, որը ֆրանսիական նավատորմին էր կցվել Եզիպտոսում բրիտանական գորքերի

¹ Լազեան Գ., Հայաստան եւ Հայ Դատը: Հայսուս յարաբերութիւններու լոյսին տակ, էջ 198-202:

² Հովհաննիսյան Գ., Հնչակյան կուսակցության պատմություն (1887-1915թթ.), Երևան, 2012, էջ 268-269:

³ ՀԱԱ, ֆ. 57, գ. 5, թ. 19, թ. 107:

գլխավոր հրամանատար գեներալ Զոն Մաքսիլի խնդրանքով, որպեսզի այդ գործիչներից պահանջի գրավոր ննդկայացնել իրենց առաջարկները: Սակայն Վուլեյը, սխալ հասկանալով հրամանը, նամակով պահանջել էր ննդկայացնել այդ առաջարկները ավելի հիմնավոր ձևով: Նման խճճված իրավիճակում Մորոն որդենց սպասել այդ հարցի շուրջ Զ. Մաքսիլի տեսակետին, անձամբ հանդիպել հայկական քաղաքական ուժների և Եզիփտոսի հայոց թեմի առաջնորդին¹:

«Նշակյանների կեղծիքը բացահայտելուց հետո Մորոն չափազանց բարկացնել էր և նոյնիսկ մտածում էր Զ. Մաքսիլին առաջարկել, որպեսզի ընդհանրապես հրաժարվեն հայերին ռազմական գործը սովորեցնելուց, քանի որ դա միայն անախորժություններ էր ստեղծում իրենց համար²: Դեռևս 1915 թ. աշնանից ֆրանսիացի նավաստինները մարզում էին 250 մուսալենցի կամավորների: Այդ գործը ստանձնել էր «Ժորեզիբերի» նավի հրամանատար Բենուա դ'Ազին, որի տեղակալ էր նշանակվել հայազգի ծովային սպա Շառլ Շիրան Թնբեյանը³:

1916 թ. մարտին Եզիփտոսի քրիտանական զինվորական իշխանությունները զինել ու մարզել էին մոտ 100 մուսալենցիների, նրանց սովորեցնել էին օգտագործել պայթուցիկ նյութեր: Որոշված էր, որ նրանք ափ էին դուրս գալու Ալեքսանդրենտի շրջանում և պայթեցնելու էին Բաղդադի երկաթուղու մի շարք կամուրջներ⁴:

Սակայն Պ. Նուրարի, Եզիփտոսի թեմի առաջնորդ Թորգոն արքային կողմանց Գուշակյանի և այլ հայ գործիչների ջանքերով դաշնակիցները ստիպված էին հրաժարվել մուսալենցի մարտիկներին դիմերսիոն արշավանքների ուղարկելու ծրագրերից⁵: Դա պայմանավորված էր Թուրքիայում պատանդի կարգավիճակով մնացած մի քանի հարյուր հազար հայերի կյանքը չփանցելու մտավախությամբ:

Փաստորեն՝ անորոշ ժամանակով հետաձգվեց հայկական զորամաս ստեղծելու նախագիծը, որի ջերմուանդ կողմնակիցներից էր Ս. Սապահ-Գյուլանը: Հայկական զորամասի միջոցով Կիլիկիան ազատագրելու նրա ծրագրերն ու ձգումներն իրականություն դարձելու հնարավորություն ստեղծվեց, իսկ համագործակցության զաղափարն ավելի հրատապ դարձավ, եթե Ֆրանսիայի և Հայ ազգային պատվիրակության միջև համաձայնություն կայացվեց Լիարոսում հայկական լեզենն կազմավորելու շուրջ:

1916 թ. մայիսի 16-ին ստորագրված Սայս-Պիկոյի համաձայնագրով համաշխարհային պատերազմից հետո Ֆրանսիային էին անցնելու Սիրիան, Կիլիկիան, Սերբաստիայի, Խարբերդի, Դիարբերքի նահանգները⁶, սակայն

¹ Պեյլեյան Ա., Մեծ տեղուցունները. Օսմանյան կայսրությունը և հայերը ֆրանսիական արխիվներում (1914-1918), հ. Ա, Երևան, 2005, էջ 252-253, 256-261:

² Նոյն տեղում, էջ 257:

³ Թնբեյան Շ.-Տ., Սուսա լեռան հայերի փրկությունը (Հիշողության էջեր), Երևան, 2002, էջ 51:

⁴ Պեյլեյան Ա., նշվ. աշխ., էջ 284-285:

⁵ Նոյն տեղում, էջ 279:

⁶ <http://unispal.un.org/unispal.nsf/3d14c9e5cdac296d85256cbf005aa3eb/232358bacbeb7b55852571100078477c?OpenDocument>

Արևելքում ֆրանսիական ուժեր գրեթե չկային, որոնք կկարողանային անհրաժեշտության դեպքում գրավել այդ տարածքները։ Նման պայմաններում ֆրանսիական իշխանությունները որոշեցին օգտագործել հայ և սիրիացի կամավորներին։ 1916 թ. աշնանը Ֆրանսիան որոշեց կիրարուսում կազմավորվել Հայկական լեզնոնը։ Խնդրի շուրջ համաձայնությունը կայացվեց ֆրանսիացի դիվանագետ Ժորժ Պիկոյի, բրիտանացի դիվանագետ Մարկ Սայրսի և Հայ ազգային պատվիրակության նախագահ Պ. Նուբարի միջև՝ 1916 թ. հոկտեմբերի 27-ին, Լոնդոնում։ Սակայն կամավորագրությունը հաջողությամբ իրականացնելու և հայկական զորամաս կազմավորենելու համար անհրաժեշտ էր հաղթահարել միջկուսակցական տարածայնությունները և համախմբել հայության ուժերը։

Հայկական լեզնոնի ստեղծմանը Ս. Սապահ-Գյույշնն ուրախությամբ արձագանքեց, քանզի համոզված էր, որ ինքնավարություն կամ անկախություն ձեռք բերելու համար հայերը պետք է կռվեն և ճանաչվեն պատերազմող կողմէ։ Դեռ 1915 թ. իրատարակած «Ինքնավար Հայաստան» գրքում նա գրում էր. «Ապագայ Խաղաղութեան կօնքրէսին Հայ Ազգը պիտի ներկայանայ և Ինքնավար Հայաստանի, կիլիկիայի պահանջը դնի՝ կրթնած իր անցեալ և ներկայ յնդափոխական շարժումների վրայ։ Իսկ մինչ այդ՝ նա արդէն ձեռք բերած պիտի լինի պատերազմողի, մարտնչողի (belligerant) հանգամանքը»¹։

Հայկական լեզնոնի կազմավորմանը աջակցելու համար Եզիդոսով հայկական քաղաքական, հասարակական, կրոնական բոլոր հոսանքները աննախադեպ արագությամբ միավորվեցին և ստեղծեցին Եզիդոսով ազգային միությունը։ Դրանում մեծ դեր ունեցավ Ս. Սապահ-Գյույշնը, որը, ինչպես տեսանք, վաղուց էր արծարծել և փորձել իրականացնել հայերի համերաշխության ու միասնականության գաղափարը։ Պ. Նուբարի կոչով Եզիդոսություն սկսված կամավորագրությանն աջակցելու նպատակով եզիդոսությայ բոլոր կուսակցությունները, հասարակական ու կրոնական կազմակերպությունները միավորվեցին Եզիդոսությայ ազգային միության մեջ՝ ցուցաբերենով միասնության և համերաշխության գեղեցիկ օրինակ։ Այդ մարմնի մեջ մտան դաշնակցականները, հնչալյանները, ռամկավարները, ինչպես նաև Հայ առաքելական, կաթոլիկ, բողոքական եկեղեցիների և ՀՔԸ ներկայացուցիչները։

Հայկական լեզնոնի հրամանատար Լոի Ռոմիոն ռազմական նախարար գեներալ Պիեռ Ռորին ուղարկած գնկուցագրում իր զարմանքն էր հայտնում եզիդոսության արագ համախմբման ու միասնականության մասին։ Մատնանշում էր, որ ռամկավարների դեկավարներից Վահան Թերենյանը և հնչալյան Ստեփան Սապահ-Գյույշնը նախկինում ոլսերիմ թշնամիներ էին, քանի որ մի ընդհարման ժամանակ հնչալյանները հանել էին Վ. Թերենյանի մի աչքը, սակայն համազգային զործը գլուխ բերելու համար նրանք հաշտվել էին և պատրաստվում էին միասին մեկնել Ամերիկա։ Իսկ

¹ Սապահ-Գյույշն Ս., նշվ. աշխ., էջ 94-95:

իրար ընդդիմադիր «Արև» ու «Հռւապեր» թերթերը պարտավորվել էին կամավորագրության մասին նույնաբնույթ հողվածներ գրել¹:

Ս. Սապահ-Գյուլյանին մեծ հարգանքով էր Վերաբերվում նաև զնդապետ Լ. Ռոմին: Այդ մասին Ս. Սապահ-Գյուլյանի կինը գրում է. «Միութինը միշտ իր կազմութիւնը՝ յաճախակի յուզումնալից և շատ պատասխանատու ժողովներ էր ունեցել, որին յաջող ու խաղաղ վավերան կը պարտէին Սապահին: Իրենց հետ յարաբերութեան մէջ մտած էր Ֆրանսայի ներկայացուցիչ Գնդապետ Ռոմեօն, որ բացառիկ յարգանքով կը խօսէր ամուսնոյ հետ և նրբ մի օր - նրբ ամուսինս տանը մէջ կը պատրաստուէր՝ ֆրանսա մելքնելէ առաջ, աչք անցնել Հնչակեան Հերոսների, Նահատակների նկարները - յանկարձ Ռոմեօ Գնդապետը Էլիօրօլիս այցելեց մեր տունը, ու նրբ այդ նկարները տեսաւ, հարցրեց թէ ո՞վեր են այդ պատկերները, ամուսինս յուզուած պատասխաննեց թէ «արանք բոլորը թուրքների ծնորով նահատակուած Հայ Քաջեր են»: Ռոմեօն գոյն առաւ, գոյն տուաւ և Հայու մը չափ զգացուած՝ բռունցը շարժեց սպառնագին ու ըսաւ ... «մենք նրանց գոյց պիտի տանք»: Ո՞վ կրնար ննթադրել թէ՝ այդ զգացումները չը պիտի յարատենէին և իրենց խարդախ կառավարութեանց զոհ պիտի զնային Հայերը ...»²:

Առաջին հերթին լեզնուին կամավորագրվեցին Պորտ Սայիդում ապաստանած մուսալենցիները, որոնց զգալի մասը, ինչպես տեսանք, նախապետ ռազմական ուսուցում էր ստացել Եգիպտոսի բրիտանական ու ֆրանսիական զինվորական իշխանությունների կողմից և նզիպտահայենք: Նրանցից կազմավորվեց առաջին գումարտակը:

Ամենամեծ թվով կամավորներ սպասարկում էին ԱՄՆ-ից: Արդյունավետ քարոզություն և կամավորագրություն կազմակերպելու նպատակով անհրաժեշտ էր ԱՄՆ-ի հայկական բոլոր կառույցների սերտ համագործակցությունը: Դա բավական բարդ խնդիր էր: Նախկինում նման մի քանի փոքրներ եղել էին, սակայն դրանք ձախողվել էին քաղաքական կուսակցությունների միջև եղած տարածայնությունների պատճառով: Եգիպտոսում ազգային միությունը իրականություն դարձնելուց հետո որոշվեց Ս. Սապահ-Գյուլյանին, ռամկավար Միհրան Տամայանին և դաշնակցական Արտաշես Հանմանին գործուղել ԱՄՆ, որպեսզի այնտեղ աջակցեին նույնալիք ազգային միություն ձևավորելուն և խրախուսելուն կամավորագրությունը:

Տարբեր կուսակցություններ ներկայացնող նրբ նզիպտահայ գործիչները 1917 թ. հունվարին մեկնեցին Փարիզ և Պ. Նուբարից տեղեկացան կամավորագրության շուրջ եղած համաձայնության պայմաններին, նրա միջոցով հանդիպեցին Ֆրանսիայի ԱԳՆ Արևելյան գործերի բաժնի վարիչ Ժան Գուի հետ, որը խոստացավ հանձնարարագրեր ուղարկել ԱՄՆ

¹ Պեյլերյան Ա., նշվ. աշխ., էջ 410-411:

² Սապահ-Գիլեան Բ., կենսագրութիւն Ստեփան Սապահ-Գիլեանի, Նիւ Յորք, 1936, էջ 135-136:

դեսպանին և հյուպատոսներին, որպեսզի աջակցեն հայ գործիչներին¹: Ա. Տամատյանին ու Ա. Հանմյանին ֆրանսիական անձնագրեր տրամադրվեցին, քանի որ թուրքահպատակներ էին, իսկ Ա. Սապահ-Գյուլյանը պարսկահպատակ էր և նրան հեշտացված կարգով ԱՄՆ մեկնելու թույլտվություն տրվեց²:

Չնայած նախկինում Ա. Սապահ-Գյուլյանը բավական կոչու քննադատության էր ենթարկել Ազգային պատվիրակության նախագահին³, սակայն դա չլանգարեց, որ Փարիզում երկու գործիչները լիովին հասկանան իրար և սերտորեն համագործակցեն:

1917 թ. փետրվարի 5-ի երեկոյան Խսպանիայի Վիկո նավահանգստից Ս. Սապահ-Գյուլյանը, Ա. Հանմյանը և Մ. Տամատյանը »Ալֆոնս XII« շոգենավոր մեկնեցին Նյու Յորք, որ հասան 16 օրից⁴:

Այստեղ նրանց դիմավորեցին հայկական չորս կուսակցությունների (ՀՅԴ, Սահմանադիր ռամկավար, ՍԴՀԿ, Վերակազմյալ հնչալյան) ներկայացուցիչները: Նրանք անմիջապես հանդիպման գնացին Նյու Յորքի ֆրանսիական հյուպատոս Լինքերի մոտ: Վերջինս տեղեկացրեց, որ պատգամավորներին ցանկանում է տեսնել Վաշինգտոնում ֆրանսիական դեսպան Ժյուլ Ժյուսեներանը: Նույն օրը նրանք մեկնեցին Վաշինգտոն, որ հաջորդ օրը հանդիպեցին ֆրանսիական դեսպանին: Վերջինս պատգամավորներին հայտնեց, որ տեղյակ է Ֆրանսիայի ԱԳՆ-ի հետ հայերի պայմանավորվածության մասին, որ ԱՄՆ-ում կամավորներ հավաքագրեն: Բայց դեսպանը նշեց, որ ֆրանսիական բանակի համար կամավորներ հավաքագրենը տվյալ պահին սխալ քայլ է, քանի որ կարող է զրգրել ամերիկացիներին: Նա խորհուրդ տվեց դա անել խիստ զաղտնիության պայմաններում, մինչև որ ԱՄՆ-ը պատերազմ կհայտարարեր Գերմանիային, որից հետո ազատորեն կկարողանային կամավորներ հավաքել: Դեսպանը խորհուրդ տվեց որոշ ժամանակ սպասել և այդ ընթացքում մեկ մարմնի շուրջ համախմբել բոլոր հայերին: Հայ պատվիրակները թեև բավական հիասթափվեցին այդ հրահանգներից, բայց խոստացան հետևել դրանց⁵:

Եզիպտահայ պատվիրակները մեկնեցին Բոստոն, որ հանդիպեցին ՀՅԴ, ՍԴՀ. Հնչալյան, Վերակազմյալ հնչալյան, Սահմանադիր ռամկավար կուսակցությունների ԱՄՆ-ի կենտրոնական մարմինների, Հայ առաքելական ու ավետարանական հոգևոր իշխանությունների, ՀԲԸՄ-ի ներկայացուցիչների հետ և առաջարկեցին նզիպտահայերի օրինակով ստեղծել Ազգային Միություն:

¹ Տամատեան Մ., Իմյուշերէս, Պէյրով, 1985, էջ 107-108:

² Պեյլերյան Ա., նշվ. աշխ., էջ 435:

³ Սապահ-Գիլենան Ա., Պատասխանատունները Փրավիտէնս, 1916, Տպարան «Երիտասարդ Հայաստանի», էջ 115-125:

⁴ Սապահ-Գիլենան Բ., նշվ. աշխ., էջ 142:

⁵ Տամատեան Մ., նշվ. աշխ., էջ 108-110:

Ամերիկահայ բոլոր ուժները խանդավառությամբ զնդրունեցին Ազգային միություն կազմելու և Հայկական լեզեռնի կազմավորմանն օժանդակելու առաջարկը: 1917թ. մարտի 16-26-ը Բոստոնում տեղի ունեցավ խորհրդաժողով, ուր որոշվեցին այն սկզբունքները, որոնց շուրջ համագործակցելու էին հայկական կառույցները: Այսպիսով՝ ստեղծվեց Ամերիկայի հայ ազգային միությունը: Մարտի 26-ին կազմակերպությունները ստորագրեցին համաձայնագիր, ուր նշված էր. «Ամերիկայի Հայ Ազգ. Միութիւնը յարաբերութիւն պիտի պահէ Եզիդական Հայ Ազգ. Միութեան հետ եւ իր գործունեութիւնը պիտի համաձայնեցնէ Ազգ. Պատուիրակութեան ընդհանուր ուղղութեան, կանոնաւոր յարաբերութիւն պահելով անոր հետ. միւս կողմէ՝ Միութիւնը պիտի նկատուի Ազգ. Պատուիրակութեան ներկայացուցիչ մարմինը Ամերիկայի մէջ»¹:

Ազգային միության գործադիր մարմնի 7 անդամներից յուրաքանչյուրը ներկայացնում էր մեկ կազմակերպություն: Ատենապետ դարձավ Միհրան Սվագյանը (Վերակազմյալ հնչակյան): Շուտով ԱՄՆ-ում ստեղծվեցին Ազգային միության 187 մասնաճյուղներ: Այդ կառույցի գլխավոր նպատակներ հոչակվեցին. «ա. Հայկական ազատագրութիւն, կիլիկեան կամաւրական ձեռնարկ, բ. Հայաստանի վերաշինութիւն եւ նրկրի կարօտելոց անմիջական օգնութիւն, գ. Դիանազիտական ձեռնարկ եւ հայանպաստ պրոպականդ»²:

Ազգային միությունը սկսեց հանգանակություն, իսկ 1917 թ. ապրիլին ԱՄՆ-ի պատերազմի մեջ մտնելուց հետո կամավորագրության կոչով դիմեց ամերիկահայությանը:

Կամավորների հավաքագրելու և հանգանակության համար Եզիդական պատվիրակները մինչև հուլիս շրջեցին ԱՄՆ-ի քաղաքներում և մեծ արդյունքներ արձանագրեցին: Մի քանի օրում ցուցակագրվեցին 5.000 երիտասարդներ³:

Կամավորների առաջին խումբը Ամերիկայից մեկնեց 1917 թ. հունիսի 9-ին, իսկ վերջինը՝ նոյեմբերի 3-ին⁴: Ֆրանսիացիները կարողացան միայն 1700 կամավորների ուղարկել Կիպրոս, իսկ մոտ 4000 հայեր, հոգնելով սպասելուց, 1918 թ. ակզրին կամավորագրվեցին ԱՄՆ քանակին:

ԱՄՆ-ից Ս. Սապահ-Գյուլյանը կնոջը գրում էր. «Ազգիս ցաւերը միստ ընկնելով հոգի կառնեմ և զրիշին կը դիմեմ և կամ պարտականութեանս կը զնամ: Կեանքի յորձանքը ինձ դրել է իր ալիքների մէջ, զարկում եմ աջ, զարկում եմ ձախ: «Պարտականութեան զինուր» - այս է ներև իմ կեանքս. այս հասկացողութեամբ էլ յառաջ կը զնամ մինչեւ մահ»⁵:

Ս. Սապահ-Գյուլյանը, ինչպես տեսանք, բավական նշանակալից դերակատարություն ունեցավ Եզիդական և ԱՄՆ-ում հայկական

¹ Տամատեան Մ., նշվ. աշխ., էջ 113:

² Սույն տեղում, էջ 114:

³ Գարսամանուկեան Ա., Հայկական Լեզեռնը պատմական, իրաւական ու քաղաքական հարցերու լոյսին տակ են վակերագրել, Պէտութ, 1974, էջ 74:

⁴ Հակոբ Հարուլյան, Հայկական լեզեռն՝ հաղթական բանակ, «Ազգ» օրաթերթ, թիվ 71, 21.04.2011:

⁵ Սապահ-Գիլեան Բ., նշվ. աշխ., էջ 145:

հասարակական-քաղաքական ուժերի համախմբման և Հայկական լեզոնի համար կամավորագրություն կազմակերպելու գործում: Նա պատերազմի սկզբից կողմ էր կամավորական շարժում կազմակերպելուն, քանի որ համոզված էր, որ ինքնավարության կամ անկախության պահանջներ ներկայացնել կարող էին միայն մարտնչող ազգերը: Նա իր զաղափարները իմանավորելու համար տպագրեց գրքեր, հանդես եկավ մամուլում: Երբ Հայկական լեզոնը կազմավորելու նախաձեռնությունը դրվեց սեղանին, դա նպաստավոր հանգամանքներ ստեղծեց Ս. Սապահ-Գյուլյանի զաղափարներն իրականություն դարձնելու համար: Նա անմիջական մասնակցություն ունեցավ Եգիպտոսում և ԱՄՆ-ում գործող հայկական կազմակերպությունները համախմբելու, միասնական գործունեության դաշտ բնրելու դժվարին ու պատասխանատու գործը իրականացնելու հարցում:

Участие С. Сапаг-Гюляна в процессе формирования Армянского легиона С.Погосян

Резюме

Во время Первой мировой войны С. Сапаг-Гюлян играл значительную роль по мобилизации армянских общественно-политических организаций для добровольческого движения создания Армянского легиона в Египте, и в Соединенных Штатах. Он был убежден, что только воюющие народы могут требовать автономии или независимости. Он обосновал свои идеи публикацией книг и статей. Когда инициатива создания Армянского легиона была поставлена на стол, это создало благоприятное условие для реализации идеалов С. Сапаг-Гюляна. Он имел непосредственное участие в сложном и ответственном процессе объединения армянских организаций.

S. Sapah-Gyulyan's Participation in the Process of Formation of the Armenian Legion S. Poghosyan

Summary

During the First World War S. Sapah-Gyulyan took significant place on mobilization of Armenian social and political organizations for voluntary movement in Egypt and USA. He was convinced that only belligerent nations could demand autonomy or independence. He substantiated his ideas publishing books and articles. When the initiative to form the Armenian Legion was put on the table, it created favorable circumstances for realization of S. Sapah-Gyulyan's ideas. He had direct participation in difficult and responsible process of uniting the Armenian organizations.